



念園存稿目錄卷之二

五言律

忠鄰家兄自燕歸

東壻王孟禎孝廉

衙齋二首之二

山中早寒

東密柴門



散髮

酬張伯珩見懷兼送北行

寄王心盤并謝廣平守倅二首

代贈某公

送楊沁湄先生左官還里

寄江寧竇侍御蔚

哭藐山師四首之一之三

送任中翰贊畫

寄宋玉叔監權蕪湖

幸喜

秋日寄孟禎沛上二首

送常給事罷官還秦二首之二

胡韜穎中丞至都門喜贈四首之一之四

新典梁司農宅三首之一之一

念園存身 之二
哭張去偏四首之一之三

送法編修假歸

樓浴成兵憲李樂辰太守馬少樓叅戎邀飲岳

陽樓

使者

殊方

寧遠

衡州諸公邀飲雁峯寺

留別衡陽諸公

歸舟漫興

湘潭舟中寄張宜男道長

送吳梅麓戶曹

侍直詩

又

念園存身 卷之二
送張穉恭奉使祀河

送王念蓼掌科備兵榆林

送伯珩假省

南苑

春日隨直苑中讀諸相公應制佳作

仲秋內計署中二首之一

哭伯兄長洲先生四首

巳亥元日

寄贈御前單副戎赴鎮甘肅二首

秋日清涼龕二首

念園詩四首之一

七言律

飲青林別墅

壻王孟禎過我率爾有作

酬張修其侍御

再和孟禎

贈去偏時納雙姬

秋日登慈仁寺閣同呂見齋二首之一

送去偏甥守鳳翔

送史太恒按閩中

送馬玉筍使衛河

贈虞貞石

寄上官三立直指

冬日遷居謝主人王中翰二首之一

遣愁

寄任中翰軍前

蒙河內楊恂如取寄家信

泛采石題謫仙樓

念園存身 卷之二
中秋日青陽畱別史明府

九日大風發覺華寺

次長沙初聞進秩之命

挽故宗伯王覺斯先生

奉和薛夫子元日紀恩

春日懷同院諸友

送霍魯齋許傅岩各一首

都門贈李退菴侍御

仲春 上駐蹕南苑閱武應制

乾清諸宮告成

五日瀛臺侍宴

次通州

密雲道中

病中酬趙懿侯見贈

送薛衛公之淮上

弔李四孝廉表弟

酬王敬哉尙書

送張少司馬伯珩左官赴閩中

過西谿偶憶東山故巢

野老亭

喜沁水王世如使君由蜀川東
賞捧過家移就

泊城宴會作贈

五言排

直中書懷

元日嘉魚江上作

哭孟禎

五言絕

立秋

秋日渡湖口

過九江

題司寇署中

古塔

秋齋遣病懷伯珩

西池一首

七言絕

七月吟

送傅夢徵按甘肅二首

錦樹

鄰村

送陳禹前視學蘇松

送王心盤戶曹權稅濟墅

送粵東曹觀察三首之一之二

送王世如之宣城令

悼亾詩二首

代送蔣兵使還任臨江

仲春 上駐蹕南苑閱武應制

題退翁亭用李太白山中問荅韻

哭王心盤二首

送席覺海赴蜀中提學三首之一之二

春日寄喬贊善三首之一之三

中元日雪帆閣引子孫望月

廊月

西谿偶就之一

效作二首

山亭二首

天王臺口號五首之一五

念園存彙目錄卷之二終

念園存彙卷之二

太原白胤謙著

五言律

忠鄰家兄自燕歸

漂泊驚相見風霜色不無天涯諸盜梗家難一身孤
臣節真無議皇恩終易呼遺編忠孝在黽勉答黃墟

東婿王孟植孝廉讀書虎谷

鶴與雲俱出山空草木秋池添逸少墨賦壓仲宣樓
竹響涼先入螢光晚故畱避人種瑤草白露滿葭洲

衙齋

僊吏蓬萊滿濯纓在玉河地嚴將日永天近與春多
文物霑微祿朋儔慕和歌紫微花待發珍重莫蹉跎

山中早寒

霧露侵衫薄裝囊掛壁稀山林安足守城郭不堪歸
白鶴依人瘦黃熊得食肥無才稱時俗遮莫壯心違

東密柴門

玉局違鴛序柴門揖鹿群把書閒度日倚杖細看雲
山木蒼蒼合秋泉裊裊分野人憎儒服應故減儀文

散髮

髮纔垂耳無人獨倚床倦遊殊困頓痺病且佯狂
歲月紅塵鬪山河白羽忙君看巖上隼羅網亦虛張

念園存稿 卷之二
酬張伯珩見懷兼送北行

故舊紛乘會終軍欲棄繻少年誇老格特起見雄圖
堅白慙高譽馳驅困小儒太平容石隱曳尾在泥塗
寄王心齋兼謝廣平守倅諸君

浮雲滄海色千里照離憂河朔群公會平原十日
吟殘流水調興盡採蓮舟

和書惜世

二

平干淡日飲飛幘杜園過燒燭臨歌吹濯纓就芟苻
風塵雙劍合氣象聚星多回首習池曲青雲冷薜蘿
代贈某公

長安晴雪後紫氣滿燕關後進元桃李高型自斗山
曉鐘雙闕靜夜柝萬家閒看曳尚書履雲邊謁帝還
送楊沁湄先生左官還里

意外看君返僊舟那可依艱難時事有惆悵老成稀

念園存身 卷之二
霜鬢閒愁思雲山本息機田家終自穩莫歎寸心違
寄江寧寶直指蔚

西江仍轉戰南國向如何汲黯思偏壯終軍氣不阿
干戈蘇草木租稅減黿鼉屈指還朝節爲君續五紽

哭藐山師

至德宜公獨生安早識幾世途經鍛鍊道力豈脂韋
白日空棺落青天化鶴飛後來誰復繼山斗自常依

三

夷吾不可作一櫬渡江來誰下陳蕃榻空留庾信哀
餘生知己盡月旦衆人猜回首悲榛莽斯文安在哉

送任中翰贊畫軍前

詎有山西亂深愁消息真一身淹薄宦八口倚何人
功立征南誓恩宣喻蜀臣蒿萊有耆舊馬首爲咨詢

寄宋玉叔監榷蕪湖

念園存彙 卷之二
海國蒼茫外蛟螭久晏然艱難違地遠忠孝倚天全
酒肆連江驛魚蠻盛佑船君懷似秋水賦就斗牛邊

幸喜

大同逆帥姜瓖投首

幸喜雲中捷元兇已受誅神功收不戰仁澤到無辜
草竊終難久餘氛會一蘇有家見天日歌舞徧山隅

秋日寄孟楨沛上二首

潦水秋天盡風臺想近游兒童樂山簡賓客愛王猷
葭莢輕航適峰巒故國愁舊傳單騎信盜賊定無憂

二

天涯傷遠別淚漬菊花新舊鏡顏侵老秋尊夢失真
無書渾自解有酒強誰親獨歎京華客煎牽兩地頻

送常給事罷官還秦

許允元清節胡威是繼芳拂衣心不恨借劍意空長
淡草低鷹隼秋山老驕驕廟堂還記憶盜賊會應亾

胡翰穎中丞至都門喜贈

開道趨天闕功高百戰餘
生還豺虎窟病讀老莊書
羈旅心常下英雄畧未疎
麻衣雖似雪竹帛豈應虛

四

風塵多戰壘不忍向西看
報國身先退思親淚欲殘
故鄉烽色遠客館笳聲寒
無限包胥意爲君拂馬鞍

新典梁司農宅柬梁玉立太史

天涯淹拙病歲暮且移居
裋褐矜全窄泉刀笑不餘
柴荆寒柳落睥睨曉雲舒
偃息從吾嬾無營好著書

二

司農城畔宅太史肯畱人
喪亂愁堪老綢繆意近真
風塵寬覓醉時令巧催春
眼界何曾限銀灣正接隣
哭張去偏

後來君竟爾吾道益羈孤
欲廢新詩句虛殘舊酒壚

飄騷驚玉樹滉漾悵驪珠久客因腸絕哀啼切夜烏

三

風流張太守生最負時名道廣饒賓客官貧得舅甥
悲歌吾獨愴繫戀爾應輕迴首行山暮偏傷截髮情

送法編修假歸

還朝席暫煖又挂海帆行彩筆霑新淚孤琴輟舊
聲古汀寒雁下荒戍夕煙橫贈別悲孫楚深增伉儷

情

樓浴咸兵憲李樂辰太守馬少樓叅戎邀飲岳

陽樓

高樓跨洞庭風景入南溟水勢涵天野波光盪日星
絃歌徵後樂名勝快初經渺渺懷僊興君山落掌青

使者

使者頻來此長沙未肯過功名歸將帥行止傍干戈

花萼沿湘遠峰巒號岳多九疑高悵望崖石幾時磨
殊方

殊方俗尙鬼犯順賊兼獠異態慵抬眼沉疴只繫腰
近江鳴宿雨望闕卓丹青豺虎何時絕騰騫向斗杓

寧遠

寧遠苗蠻聚猶聞瘴靄屯總戎新報勝雜種未遑奔
嶺外機宜密衡陽轉運繁一身專奉節得羨早飛翻

衡州諸公邀飲鴈峰寺

峰頭供帳遠旌蓋俯瀟湘昔訝無鴻鴈今看集鳳凰
閭閻聞伐鼓人吏竊行觴昏黑全傾倒茫然著上方
畱別衡陽諸公

綠酒瀟湘色雜舟送使臣從無南去雁幸有北歸人
兵甲上遊苦帆檣下瀨親 聖朝杖公董且爲撫邊
民

歸舟漫興

鼓柁臨烝桂還家歲暮心
雪晴瞻岳迥舟穩就江深
過淺尊灘子需波羨水禽
詩成惟漫興未學楚人吟
湘潭舟中寄張宜男道長

鳴榔乘水驛稍似碧雞還
豁達懷高義周遊情益顏
難忘上客禮有數列僊班
待就天壇約酬君白玉環
送吳梅麓戶曹

疇昔論文友相逢駐使車
安危萬里外聚散十年餘
輦上名方起尊前興不疎
清江花照眼早晚有雙魚
侍直詩

清切依丹禁深嚴寓直廬
相車追次入御旨發
教書寵懾金林側
恩欣玉饌餘
旁觀多治理
偏覺愧庸虛

又

危園存身錄卷之二
碧水鯨橋下潏潏出未央 闕雲高不散 宮樹密

成行夾路來僊蹕浮空繞御香至尊無逸事連日幸

奎章

送張稊恭奉使祀河

聞道宣房塞懸知萬福來瀆宗歆報禮使節與賢才
駟馬春程適千篇野興開張鷟去不遠蚤見泛槎廻

送王念慈掌科備兵榆林

華省金蘭契雄邊鎖鑰才僊舟聯楚甸朋酒散燕臺
古戍黃雲積春城白雁廻 聖朝思汲黯頻望奏書

來

送伯珩假省

今朝漢廷尉猶著惠文冠閔孝真無間于門本自寬
承歡多笑靨惜別易汎瀾要識恩深重 君王盼玉

鞍

南苑

南苑凝 黃屋次寥 聖慮清雪深 貌虎帳雲靜 鳳

皇城肅穆堯欽若 哀矜舜好生 迎陽節候屆 眞宰鑒

虛明

春日隨直苑中讀諸相公應制佳作

禁苑沙堤暖春風 修禊餘波光臨太液柳色接周廬

龍舸傳呼遠霓旌夾望舒 叨承三事側高調捧搖

琚

仲秋內計吏部署中

秋空寒雁度古廨白雲舒月好邀清詠風涼納廣除

羣倫歸綜序雅鑒藉冲虛翹首 君恩重深慙效職

疎

哭伯兄長洲先生四首

聚散岐生死悽惶骨肉情長吟辭大夢旅病抱愁城

四海誰兄弟千秋絕友生一哀再回首誤我是浮名

二

大宗君最長道德更吾師論世堪依隱全身在守雌
天倫前輩盡深識少人知黯黯風塵內誰題季子碑

三

萬卷容邊腹爲文似陸潘戈矛違薄俗蟻蝨棄微官
有意畱香井無心問大丹飄飄天地外游戲狎龍鸞

四

伏枕傷心甚天涯道路迷髭間三寸雪馬上五更鷄
大野悲風急寒郊落日低故山歸未卜搵淚向西啼

巳亥元日

到眼春偏稱閒邊覺晝長風香生柳岸水色動冰塘
失職緣疎鈍無心得混茫故鄉饒藥餌徼倖望 恩

光

寄贈御前單副戎赴鎮甘肅二首

世祖蓬萊殿升騰集武臣
直廬侵霧雨夾帳盡騏驎
策略孫吳富恩私絳灌隣
諸君才不忝同合奮風塵

二

北闕蕃褰寵西征爾絕倫
鳴鞭輕擬烏命的歛通神
近日烽煙靜懸知壁壘新
安邊餘壯略何遜扈楓宸

秋日清涼龕同郭山人訪回岸上人二首

一龕穿怪石千仞歷危梯
勇烈聲何往清涼境不迷
暗泉禪杖下斜照梵牕西
縱有遊尋客無勞出虎谿

二

舊劍畱何處新袈著二年
無愁斷煙火獨在好林泉
見性寧多指忘機得正禪
自憐終浪宕爲爾一條然

念園詩

暮齒依林薄塵情盡掃除
餘生何戀著久計在郊墟

念園存彙 卷之二
自笑還營屋人扶且荷鋤從來食舊德應不厭畝畝
七言律

飲青林別墅

陰厓側護澗之槃蔚然千箇青琅玕林亂初疑徑所
出泉廻旋與石更端佳人停歌山鳥弄童子摘蓮秋
水寒嵐露沾衣天欲暝裴徊爲惜荷花殘

婿王孟楨過我率爾有作

遊子辭親騎馬出館甥問舅入城趨新醪到盞深深
碧中歲論文漸漸疎豺虎乾坤三尺劍鳳凰樓閣萬
言書乘時戮力須英俊北上仍慙附後車

酬張修其侍御

十年獻賦老燕臺漢主今辰上苑開憂國匡衡能抗
疏譚詩賀監且憐才愁中擊劍風塵滿病起彈冠春
色來見說惠文頻召對俄看執法近三台

再和孟楨

洞中石巢如飛樓下臨無極山窗幽寒壑悄然冰雪
結陰靄颯爾波濤流向生未老元甘隱陶令雖貧實
倦遊綠酒已非他日與白雲強爲故山留

贈去偏時納雙姬

合浦珠還竝月明鳳城携手淚縱橫天涯聚散頻生
死宦海升沉自舅甥予病望歸消藥餌君才初展就
功名羅敷西子同顏色誰更風流似長卿

秋日登慈仁寺閣同呂見齋

危欄四面做風煙送客遙臨意惘然萬里浮雲朝北
極千家秋色靜諸天同看陸海兼塵湧誰識尼珠並
月圓賴是長安多勝蹟風流逾愧昔人賢

送去偏甥守鳳翔

駟馬橋邊願不違岐陽古有尹翁歸黃河雁度鄉關

念園存稿 卷之二
近華嶽雲生烽火稀九死豺狼悲客路五年霜雪感
征衣春來鸚鵡含愁甚何得從君隴樹飛

送史太恒按閩中

萬里行看孟博車秋風分手立踟躕成勞西極來天
馬遺直中朝念史魚江上鼉鼉迎過舸蠻方豺虎避
懸旗長沙有客需前席急爲囊中具薦書

史先按上江及茶馬

送馬玉筍使衛河

干戈華髮滯天涯送客臨岐苦憶家宛轉蘇門餘鳳
嘯風流水部有梅花雨深上國帆檣壯日暮西山鼓
角賒咫尺桃源隔茅舍相迎何計老煙霞

贈虞貞石

薊北風塵訪舊遊五湖煙水羨歸舟遲迴按劍珠堪
惜珍重連城璧自收才棄賈生無痛哭愁驅虞氏有
春秋應悲蹇拙金門客採藥何時掉白頭

念園存身 卷之二
寄上官三立直指

青春驄馬壯君行並躍雙龍出匣鳴
鄂渚旌旄紛倒屣楚天舟楫盡休兵
庾樓明月添新興湘浦芳蘭寄遠情
肺病比來頻伏枕故山迷望虎縱橫

冬日遷居謝主人王中翰

頻年拙宦容樗散借宅遷延幾處家
高義每常勤地主腐儒何只戀天涯
干戈瀕洞思鄉國書卷飄零閱歲華
已典茅堂臨雉堞春風安迂鹿門車

遣愁

駸駸禁旅大征西愁見千峯落日低
王屋猿聲遮翠嶺析城鳥道上丹梯
天清嶂壘無亾鏃雪霽郊原有放麇
極目高樓辨風色萬金遙憶好音題

寄任中翰軍前

王師節制肅高秋幕下英賢盡獻籌
父老定皆扶竹

念園存身 卷之二
杖將軍早已釋兜鍪沁溪水落魚龍穩盤谷雲消魍
魎愁聖代止戈元不謬卽看圖畫載歸舟

蒙河內楊恂如司李取寄家信

久報王師收上黨始聞移帳駐高都接天鼙鼓還悲
壯伏莽豺狼定有無次第蠟書通警急艱難魚服出
崎嶇中原十畝平原宅雲木蒼蒼叫鷓鴣

泛采石題謫仙樓

謝朓青山李白樓凭欄橫望大江流山中明月應長
在江上行人自白頭建業東來雙袂濕洞庭西去片
帆秋援毫欲借驚人句蕩滌尊前萬古愁

中秋日青陽畱別史明府

青陽山色霧中收南國風煙迥自愁萬里程途淹積
雨一年時序遇中秋天涯寶鏡頻看老地主金尊幾
夜畱甚欲同君待明月不堪極目仲宣樓

九日大風發覺華寺

九月九日楚江干天風怒號野寺寒
薊北屢傷白髮早荆南仍少菊花看
羈情久厭登高俗故國遥知縮地難
欲賦雄風懷宋玉陽臺不見路漫漫

次長沙初聞進秩之命

湖外雲山黔粵鄰北流湘水趨歸人
歛唇白酒還祛瘴瞥眼紅梅已放春
萬里星沙旋詔命三軍海嶠厭

邊塵生還欲分垂竿老拜關遥慙劍佩新

挽故宗伯王覺斯先生

拜命西南祀典優分馳四牡出神州
題詩直上三峯頂濯足遥從萬里流
朝內會求封禪臺世間遂絕廣陵謳
孟門濁浪冥冥急日暮蛟龍阻渡舟

奉和薛夫子元日紀恩

彩仗迎春淑景明太和行慶集公卿
九成舜樂鈞天

作萬石堯尊北斗傾氣轉仙莫晴日動風迴御柳瑞
烟生叨陪燕樂歌魚藻同祝無疆報聖情

春日懷同院諸友

左个春開萬國同鳳池晴色曉龍蔥趨朝珥筆書新
政直院鳴珂逐上公宛轉鶯遷宮樹裏參差花發禁
城中深山欲寄無芳草惟有相思向北風

送霍魯齋侍郎許傅岩給事河漕視工各一首

秋風瓠子水增波 帝遣樞卿擁節過四載豈遑辭
霧雨九川終自偃鼉鼉中原隄障沈午歇南國舟航
画鷁多不遇 漢廷推轂早淇園竹盡欲如何

二

河渠慷慨舊陳書奉 使俄看下 玉除定有玄夷
通夢寐不憂赤縣困儲胥秋風水驛催行便海嶠浮
雲入望舒更識還 朝增氣色幾多封事借衣襦

都門贈李退菴侍御因懷張宜男使君

巴陵一別數千里 京國重逢忽五年
華髮影隨天闕下 繡衣名在楚江邊
芙蓉殿裏封章靜 虎豹營中鼓角闐
久擬裁書問張翰 衡南無雁欲誰傳

仲春 上駐蹕南苑閱武應制

天子乘春大簡徒 龍旗千隊獵平蕪
瓜牙盡是周賁旅 扈從還多漢大夫
細柳寒輕騎赤驥 長楊風

軟迅雕弧幸承 燕樂歌魚藻稽首何能贊 帝謨

乾清諸宮告成

上命詣觀懸扁 賜金花綵幣恭紀

蓬萊宮殿敞千門 寶額金題射曉暎
歛有雲霞生棟宇 端然法象配乾坤
虬松鳳竹春常近 鼉鼓鯨鍾樂正繁
慚愧曾無匠氏力 空承花錦濫朝恩

五日瀛臺侍宴

龍船百尺擁飛樓令節端陽扈 聖遊坐密金甌傳

法酒筵高寶饌進中流鶯遷茂樹隨橈轉魚戲新荷
接岸浮天近九霄多湛露歡同鷓鴣集瀛洲

次通州

左輔雄州控上游交衝水陸此咽喉雲屯萬騎南征
卒雨集千帆北貢舟鷓鴣飛時煙漠漠鵝鵝立處水
悠悠青樓絃管朝朝樂誰識憑軒使客愁

密雲道中

連山列障勢巖崿歷歷烽墩在眼中塞口筏船浮曉
渡沙場禾稼長秋風千年未息秦民怨百戰空傳漢
將功內外自今無畛域恬熙終賴 聖圖洪

病中酬趙懿侯見贈

吳門烟月傷心處落日琴臺罷昔遊陶令還家松菊
老晉祠臨水石苔秋長安美酒堪投轄旅舍沉眠俛

念園存遺 卷之二
倚樓爲報鄉園著書客陽春白雪媿難酬

送薛衛公之淮上

淮南煙景滿春蕪
僊使乘驂駐此都
無事但觀鴻烈解
有時還寫輞川圖
城樓落日銜旌旆
海嶠溫風聚舳艫
極目雁行天不斷
翩翩飛遶射陽湖

弔李四孝廉表弟

乘舟直到地南頭
處處題詩墨瀋浮
一自歸尋范蠡棹
幾番空憶武昌樓
雲殘極浦猿聲暮
月落荒城桂樹秋
老我平生兄弟少
不堪蕭瑟淚長流

酬王敬哉尙書

家山歸後少知音
無限相思翰墨林
千里夢隨燕樹遠
一函書到晉雲深
帝城鶴逕迴高步
故國鷄栖抱野心
總荷聖朝恩禮渥
順時魚鳥自飛沉

送張少司馬伯珩左官赴閩中

念園存真 卷之二
開府還家尚壯年分藩遠去意欣然憑將報國謀

富未覺蠻方天地偏海色重經瓜步集

君舊按淮揚

山容

盡入武夷船相思莫畏頻年別拜詔行歸魏闕前

過西谿偶憶東山故巢戲題堂壁

東谷煙霞鎖舊栖西谿水石趨扶藜幽巖冰雪跼龍

虎近岸桑麻狎犬雞陶令酒杯真足老謝公屐齒莫

重迷白頭甘作無名子沉溺林泉任笑詆

野老亭

新畱城南平頭村宗舍數間將以來春命兒

支苦爲余遊涉之所名之曰野老亭又將買

蹇驢興發則乘之以往殊足快也重省來日

無多或者不免達觀者譏謂乎躊躇得詠謾

載于此

古槐樹下高曾塚逼近平頭原上村茅屋數間宗老

去荒煙一片斷垣存
傍阡新欲安
畊畝側面還堪問
灌園情事有餘朋
舊少騎驢幾度到柴門

喜沁水王世如使君由蜀川東齋捧過家移就

洎城宴會作贈

君從三峽趨京國
親過瞿唐灑瀕堆
星節遠看南極

外酒筵高會少城隈

杜詩少城注小城也
洎城亦名小城故云

十年懷抱

狂吟減萬里巴渝滯客回
有意相邀卧林藪
莫愁幕

府重相催

五言排

直中書懷

玉署通丹掖芝宮接露盤
典文窺琬琰野性逐鴛鸞
歲月埋青簡恩波詔素餐
自憐圖報拙誰信乞歸難
蔓艸詩書積連雲甲仗攢
半生逢委頓一往事辛酸
良史虛班馬高才謝陸潘
生涯空載筆愁思不離鞍

念園存身 卷之二
燕市懷屠狗章臺覓弄丸雙眉凋斌媚故步失邯鄲
世久輕魚服時猶競鵠冠青蠅喧繚繞紫燕瘦蹢躅
窮鬼依能遣微文守自看貧居甘野藿交道感秋紈
蓬但從風轉珠仍悵雀彈星辰占汶汶江海路漫漫
龍挂青天兩駟鳴白日寒秋風新月長桂樹故山團
曠浪寬雙鬢支離愛散官鳳池有嵇阮莫放酒杯乾

元日嘉魚江上作

獻節澄江浦春雷古岸隅年光隨舸艦天色在菰蘆
暗數元正過他方八載俱俗殊思秬粢坐晚得屠蘇
載詔兼新秩朝天拜野途風沙紆赤壁玉帛限蒼梧
景物叢梅映生涯散帙鋪鼓鼙喧漸遠瘴癘困應輸
宮笛依蘭漿巴童侍玉壺乾坤漫寥闊白首傲檣烏

哭孟楨

不謂凌衰晚淒涼竟哭君奇才難屢見直性且多聞

念園存案 卷之二
在昔同袍並忘年結趣芬清談開筭篋健筆代耕
下榻留徐穉東牀得右軍一朝乘景運歷試策高勲
沛國棠初茂齊州竹再分志超艱稱遂馭促飽辛勤
煎迫征輸累顛危戎馬氛死生俄契闊兒女合情殷
長路縈榛莽空囊剩典墳真嗟駒過隙偏感雁離羣
屈抑雲霄器沈埋珠玉文計書侵宿雨歸櫬阻遙曛
忤觸增心悸愁牽益面紋知音都寂寞誰分識揚雲

五言絕

立秋

急雨催殘暑驚風報早秋
夜涼月色好乘興獨登樓
秋日渡湖口

泛濫江湖會扁舟意自閒
東風如送客開眼見廬山
過九江

廬山有瀑布若爲洗塵纓
江色蒼愁眼誰分九道川

題司寇署中

聖德同天大 皇恩布歲初
九重頻奏喜 一月訟庭虛

古塔

古塔長莓苔 蒼然歷劫灰
不知僧散後 鸛雀幾回來

秋齋遣病懷伯珩

寂寞秋風裏 門前十丈蒿
故人分散盡 誰賦廣陵濤

西池一首

池水涵空碧 泉聲不住流
夕陽娛客意 一半在城樓

七言絕

七月吟

城上星河耿未央 八珍羅列會牛王
中元出郭家家婦 細馬紅粧壓道傍

送傅夢徵侍御按甘肅二首

尊前白雪聽驪歌
囊草濃霜太液波
漢室幾人追
子壯君擊楫渡黃河

二

三邊諸將望前旌
間道斜通細柳營
白筆借將爲白
羽招麾一日復西京

錦樹

密樹霑霜千丈錦
亂書封宅百重塵
更無擊筑悲歌
侶誰惜彈琴長嘯人

鄰村

獨上青山懷采薇
無邊秋色雁低飛
幾處人家隔烟
火夕陽遙對掩柴扉

送陳禹前視學蘇松

攬轡曾觀滄海風
論文今到大江東
別後念君秋色
好白雲千里酒杯中

送王心盤戶曹權稅泚墅

故人薄宦滿燕臺惜別風前酒一杯不信江南少愁
思孤篷落日棹歌哀

送粵東曹觀察

使君持憲五羊城十萬貔貅夾去旌起部不緣超叔
武南天瘴癘待霜清

二

天涯秋色導褰帷君往猶賢數萬師南海早添任郡
尉便應重勒百蠻碑

送王世如之宣城令

古寺寒松話別愁望中煙雨片帆秋謝公樓上題詩
處依舊澄江似練流

悼亾詩二首

楊枝不負主人恩司馬難教絕淚痕最是長安秋夕

冷琵琶聲斷月黃昏

二

萬壽宮前暮靄平連朝復作踏秋行彩雲豈是無心
物應化青鸞上玉京

代送蔣兵使還任臨江

霏霏雨雪戒王程碧嶂清江萬里情解道春風隨憶
節到時花滿豫章城

仲春 上駐蹕南苑閱武應制

軍聲四合羽林圍鐵騎連雲鳥不飛獵罷行宮稱壽
酒萬年 天子坐垂衣

題退翁亭用李太白山中問荅韻

白雲深谷隔西山解組孫登意自閒莫怪幽蹤常不
見嘯聲時復到人間

哭王心盤二首

不見當時王戶曹
吳兒一曲惠山醪
春宵歌舞家家樂
獨對明燈嘆二毛

二

玉笛聲中淚暗催
悲風萬里爲誰來
傷心海角龜鼉窟
難覓江淮劉晏才

送席覺海赴蜀中提學

回首并州醉管絃
春風三十二年前
天涯莫恨重分手
西踰嘉陵是閩仙

三

慷慨悲歌意氣親
白頭送別淚沾巾
青山臨路應無數
到處題詩寄遠人

春日寄喬贊善

莫道東風賤綺羅
子規啼盡月如梭
門前楊柳千株密
不換年來白髮多

三

騎馬看山到幾峰
白雲深處萬年松
相攜孰是同心侶
去聽白巖寺裏鐘

中元日雪帆閣引子孫望月

少日中元度此辰
斜陽野月映車輪
新來添得兒童喜
玉兔應驚白髮人

廊月

曲閣虛廊高下殊
竹陰過月未踟躕
歷盡寰區幾萬里
故著風光傍酒徒

西谿偶就

青郊桃杏爛晴霞
西望遙村更有花
不是連朝風色猛
爭教獨讓武陵家

效作二首

風雨雨髮成絲
月落空堂罷酒卮
為問當年歌舞

不憂 卷之一
白楊古塚幾人悲

二

一年春事阻風沙
纔報花開驟落花
遮莫愁心與芳草
相連不斷到天涯

山亭二首

山亭之上無絲竹
盡日惟聞鳥語多
谷聲相應喬林外
半是樵歌與牧歌

二

籬首高厓散日光
隔谿石壁更蒼蒼
謾道幽居但蕭索
秋葉春花爛漫粧

天主臺口號

西北高臺四望尊
俯臨城郭似山村
三河交錯圍天柱
雙塔雄撐捍水門

五

不存羣山禹貢同心濩亦載水經中地屬唐虞舊畿
內莫教人異古時風

姪象紱方來較刻

念園存稟卷之二終

